

tioso notitiae statu acceperunt et Suae Excellentiae Banali, sub cuius duntaxat Manuductione Regnicolaris Deputatio haec provincia eidem attributa *) modo Regnis his tam honorifico defungi potuit, intimam gratitudinem suam contestati sunt.

(Caeteris exmissis)

Originale in Archivo Regni Croatiae.

1836. MENSE AUGUSTO. ZAGRABIAE.

*Articulus Generalis, A. 1836. 4. et sequentibus Mensis Augusti diebus,
Zagrabiae, celebratae Congregationis.*

Anno Domini Millesimo Octingentesimo Trigesimo Sexto, die 4. et sequentibus Mensis Augusti diebus in Libera Regiaque Civitate Zagrabiensi, ex Edicto et sub praesidio Excellentissimi ac Illustrissimi Domini Liberi Baronis Francisci Vlassich Regnorum Dalmatiae, Croatiae et Slavoniae Bani, eorundemque Regnorum Confiniorum item Colapianorum et Vunnanorum Supremi Capitanei, Sacratissimae Caesareae Regiae et Apostolicae Maiestatis Actualis Intimi Status prout et Consilii Regii Locumtenentialis Hungarici Consilarii, Insig. Ordinum Leopoldi Magnae Crucis, prout et Militaris Mariae Theresiae Equitis, Generalis Campi Mareschalli Locumtenentis, unius Legionis Uhlanorum nomen Principis Schvarczenberg gerentis proprietarii Colonelli, Supremi Armorum Caesareo Regiorum per Regnum Croatiae Praefecti, Inclyti Comitatus Zagrabiensis supremi Comititis et Excelsae Tabulae Banalis Praesidis, Generalis Inclytorum Statuum et Ordinum praelibatorum Regnorum Dalmatiae, Croatiae et Slavoniae celebratae Congregationis

Acta et Articuli.

Articulus Primus.

De Relatione per Dominos Regnorum horum Ablegatos ad Generalia Regni Hungariae et Partium Adnexarum Comitia, in diem 16. Decembris 1832. exmissos, praestita et Articulis Legum in iisdem Comitibus latarum publicatis.

Pro accipiendis providis in publicam Rem consultationibus implorata praemis in Parochiali Ecclesia S. Marci piis praecibus Divini numinis ope, Excellentissimus ac Illustrissimus Dominus L. B. Banus in medium Statuum et Ordinum in Palatio Curiae Comitatus congressorum adveniens, habito rerum et temporum

*) Huic sollenni Regnicolari Deputationi interfuerunt quoque DD. Andreas Adamić, Scarpa et Massari, Fluminensis Civitatis Deputati.